

खास-खास खबरां

- प्रधानमंत्री नरेन्द्र मोदी होर अमरीका दे राष्ट्रपति डोनाल्ड ट्रम्प हुंदे कन्नै दपक्खी गल्लबात लेई वाशिंगटन डीसी पुज्जी गेदे न।
- प्रधानमंत्री होरें अज्ज वाशिंगटन डीसी च अमरीका दी राष्ट्री खूफिया निदेशक तुलसी गबार्ड हुंदे'नै मलाटी कीती।
- केन्द्र सरकारै औदन टैक्स बिल-2025 लोकसभा च पेश करी दित्ता ऐ।
- खजाना मंत्री निर्मला सीतारमण होरें आखेआ ऐ जे सरकारै केन्द्री बजट च बक्ख-बक्ख सैक्टरें लेई कीती गेदी बंडुड च कोई कमी नेई कीती ऐ ते एह बजट, विकास-बाददे ते रास-पूज्जी उपपर केन्द्रित ऐ।
- वक्फ संशोधन विधेयक 2024 कन्नै सरबंधत सांझी समिति दी रिपोर्ट अज्ज संसद दे दौनें सदनें च विपक्ष दे बरोध दे दरम्यान पेश कीती गई।
- लोकसभा च बजट इजलास दे पैहले चरण दी कार्यवाही अज्ज संपन्न होई गई ते हून सदन दी अगली बैठक 10 मार्च गी होग।

<><><><><><>

PM US

फ्रांस दे अपने कामयाब दौरै परैन्त, प्रधानमंत्री नरेन्द्र मोदी होर अज्ज बडुलै वाशिंगटन-डीसी पुज्जी गे जि'त्थे ओह अमरीका दे राष्ट्रपति डॉनल्ड ट्रम्प हुंदे कन्नै दपक्खी गल्लबात करडन। अमरीका च भारत दे राजदूत विनय मोहन क्वात्रा ते होरनें अधिकारिएं ब्हाई अड्डे पर श्री मोदी हुंदा सोआगत कीता। बड़ी मती ठंडु दे बावजूद खरी मती गिनतरी च भारती समुदाय दे लोक, श्री मोदी हुंदा सोआगत करने लेई ब्लेयर हाउस दे बाह्र किट्टे होए दे हे। वाशिंगटन पुज्जने दे बाद इक सोशल मीडिया पोस्ट च श्री मोदी होरें आखेआ जे ओह अमरीका दे राष्ट्रपति डोनाल्ड ट्रम्प हुंदे कन्नै मिलने ते भारत ते अमरीका बश्कार व्यापक वैश्विक रणनीतिक सांझ-भ्याली गी अगगे बधाने लेई बडे उत्सुक न। उनें आखेआ जे दौनें मुख्य अपने नागरिकें दे हितें ते दुनिया दे बेहतर भविष्य लेई रलियै कम्म करना जारी रखडन।

<><><><><><>

PM Tulsi Gabard

प्रधानमंत्री नरेन्द्र मोदी होरें अमरीका दी नमीं बनाई गेदिएं राष्ट्री खूफिया निदेशक तुलसी गबार्ड हुंदे कन्नै मलाटी करियै दौनें मुख्यें बश्कार सरबंधें दे बक्ख-बक्ख पैहलुएं पर चर्चा कीती। मोदी होरें तुलसी गबार्ड होरें'गी एह नमां औहद्धा सांभने पर मुबारकबाद दित्ती। तुलसी गबार्ड होर सदा थमां भारत ते अमरीका दी दोस्ती दिआं हिमायती रेही दिआं न। विदेश मंत्रालय दे प्रवक्ता रणधीर जयसवाल होरें सोशल मीडिया मंच एक्स पर लिखेआ जे प्रधानमंत्री मोदी हुंदी अज्ज वाशिंगटन डीसी च तुलसी गबार्ड हुंदे'नै होई दी मलाटी बड़ी गै नतीजाकुन रेही ऐ।

<><><><><><>

World Radio Day

अज्ज विश्व रेडियो दिवस ऐ। हर ब'रे 13 फरवरी गी लोकें गी रेडियो दे महत्व बारै जागरूक करने ते ओहदे राहें जानकारी लैने लेई प्रेरित करने आस्तै विश्व रेडियो दिवस मनाया जंदा ऐ। इस ब'रे विश्व रेडियो दिवस दा विषे-सार ऐ 'रेडियो ते जलवायु परिवर्तन'। प्रधानमंत्री नरेन्द्र मोदी होरें विश्व रेडियो दिवस दे मौके पर सब्बनें गी, टकोहदा करियै रेडियो दे श्रोताएं गी ममारकबाद दित्ती ऐ। अपने इक सोशल मीडिया स्नेह च मोदी होरें आखेआ जे केई लोकें लेई रेडियो इक जीवन रेखा ऐ जेड़ी उ'नेंगी प्रेरित करदी ऐ, जागरूक करदी ऐ ते दुनिया कन्नै जोड़दी ऐ। उनें इस म्हीने दी 23 तरीक गी प्रसारित होने आहले अपने रेडियो कार्यक्रम "मन की बात" लेई लोकें कोला सुझाऽ बी मंगी भेजे न। आकाशवाणी दिएं महानिदेशक डाक्टर प्रज्ञा पालिवाल गौड़ होरें बी विश्व रेडियो दिवस पर अपनियां शुभकामनां दिंदे

होई आखेआ ऐ जे पिच्छले तकरीबन 9 दहाकें थमां आकाशवाणी, अपने सुनने आहलें गी लोडचदी जानकारियां ते मनोरंजन उपलब्ध करोआ करदी ऐ। तोआई विश्व रेडियो दिवस दे मौके पर अपने इक संदेश च यूनेस्को दियां महानिदेशक आंड़े अजोले होरें आखेआ जे विश्व रेडियो दिवस टिकाऊ, बहुमुखी ते व्यापक रूपै कन्नै संसार दे हर इक कोने तोहड़ी पुज्ज रक्खने आहले संचार दे इस बधिया साधन दा जश्न मनाने दा इक्क मौका ऐ। तोआई, प्रसार भारती दे अध्यक्ष नवनीत कुमार सहगल होरें इस मौके पर अपने संदेश च आखेआ जे खबरें ते जानकारिएं गी लोकें तोहड़ी पुजाइयै, रेडियो दी देशै दी सांस्कृतिक ते आर्थिक तरक्की च इक बड़ी भूमिका ऐ।

<><><><><><>

Vaishnav AI

सूचना ते प्रसारण मंत्री अश्विनी वैष्णव होरें आखेआ ऐ जे भारत यूपीआई, आधार ते डिजीलॉकर ज्नेह डिजिटल सार्वजनिक ढांचे आहले उपाएं दे राहें तकनीकें दे लोकतंत्रीकरण च इक अगुआ बनियै उभरेया ऐ। सोशल मीडिया दी इक पोस्ट च श्री वैष्णव होरें आखेआ जे इस कामयाब मॉडल नै अंतर्राष्ट्री स्तरै पर ध्यान आकर्षित कीता ऐ ते इसी अपनाने च दिलचस्पी दस्सी ऐ। उनें आखेआ जे पेरिस च एआई एक्शन सम्मेलन च श्री मोदी होरें आर्टिफिशल इंटेलिजेंस दे प्रति भारत दे व्यापक नजरिये गी स्पष्ट कीता। मंत्री होरें आखेआ जे प्रधानमंत्री हुंदा नजरिया "एआई फॉर गुड" पर केंद्रित ऐ ते उनें सब्बनं तोहड़ी एआई दी पुज्ज जकीनी बनांदे होई सैह्योगी वैश्विक शासन ढांचे दी जरूरतै पर जोर दित्ता।

<><><><><><>

Income Tax Bill

आयकर विधेयक 2025 अज्ज लोकसभा च पेश कीता गेआ। बिल च इंकम टैक्स गी लेइयै कीते गेदे संशोधन शामिल न। खजाना मंत्री निर्मला सीतारमण होरें विधेयक गी राज्यसभा च पेश कीता हा। इस बारे बोलदे होई मंत्री होरें आखेआ जे मजूदा इंकम टैक्स कन्नू दे मकाबले नमें विधेयक च किश बदलाव कीते गेदे न ते दफाएं गी घट्ट कीता गेआ ऐ। आम लोकें दे समझने आस्तै मता सखल्ला बनाया गेआ ऐ। सीतारमण होरें आखेआ जे विधेयक गी जांच आस्तै संसदर दी सरबंधी समिति करी भेजेआ सेना संबोधन ते कमेटी अपनी रिपोर्ट अगले सत्र दे पैहले दिन पेश करनी लोडचदी। मंत्री होरें विधेयक गी लेइयै विरोधी सांसदें आस्सेआ कीते गेदे एतराजें गी खारज करी दित्ता।

<><><><><><>

FM RS

खजाना मंत्री निर्मला सीतारमण होरें आखेआ ऐ जे सरकारै केन्द्री बजट 2025–26 च कुसै बी सैक्टर लेई कीती गेदी बंडुड च कोई कटौती नेई कीती ऐ। अज्ज बजट बारै राज्यसभा च जारी चर्चा दा परता दिंदे होई खजाना मंत्री होरें आखेआ जे बजट दा मकसद विकास–बाददे सने निजी खेत्तर थमां रास–पूजी जकीनी बनाना ऐ। उनें आखेआ जे प्रधानमंत्री नरेन्द्र मोदी हुंदी अगुवाई आहली सरकार दे कार्यकाल दरान भारत इस दुनिया दी 5 सब्बनं शा बड्डी अर्थबवस्थाएं च शुमार होई गेदा ऐ। उनें इब्बी आखेआ जे इस बजट गी बडे गै औक्खे समें ते चुनौतिएं दरान तैयार कीता गेआ ऐ। खजाना मंत्री होरें आखेआ जे बजट च नमें उद्यमिणें गी नमें उद्यम खडेरने च सैह्योग देने दी टकोहदी बवस्था कीती गेदी ऐ।

<><><><><><>

Fisheries

प्रधानमंत्री मतस्य किसान समृद्धि सह–योजना दे तैह्त बक्ख–बक्ख चाल्ली दे लाह उपलब्ध करोआने दे मकसद कन्नै सरकार आसेआ कल्लै थमां मुख्य भरै च मच्छीपालन सरबंधी राश्ट्री डिजिटल मंच उप्पर पंजीकरण सरबंधी इक अभियान शुरु कीता जा करदा ऐ। मच्छी पालन सरबंधी मंत्रालय नै आखेआ ऐ जे इस अभियान दरान मुख्य भरै च कैपें दे आयोजन बक्खी ध्यान केन्द्रित कीता जाह्ग तांजे पंजीकरण दी प्रक्रिया च तेजी आंदी जाई सकै। एह अभियान कल्लै थमां शुरु होइयै औंदी 22 फरवरी तकर जारी रौह्ग।

वक्फ संशोधन विधेयक 2024 कन्नै सरबंधत सांझी समिति दी रिपोर्ट अज्ज संसद दे दौनें सदनें च विपक्ष दे बरोध दे दरम्यान पेश कीती गई। दिनें 2 बजे जि'आं गै लोकसभा दी कार्यवाही परतियै शुरू होई तां सांझी समिति दे अध्यक्ष जगदम्बिका पाल होरें सदन च रिपोर्ट पेश करी दित्ती। रिपोर्ट गी लेइयै बरोधी धड़े नै बड़ा भारी शोर-शराबा कीता। हंगामे दे चलदे केंद्री गृह मंत्री होरें आखेआ जे जेकर लोकसभा अध्यक्ष ओम बिरला होर इस रिपोर्ट च असैहमति नोट गी शामिल करने दी खुल्ल दिंदे न, जेहदी बरोधी सांसद मंग करै करदे न, तां भारती जनता पार्टी गी एहदे च कोई ऐतराज नई होग। कांग्रेस, डीएमके, समाजवादी पार्टी, टीएमसी ते होरनें बरोधी दलें रपोर्ट दे खिलाफ बरोध प्रगट करदे होई सदन थमां वॉक आउट करी दित्ता। एहदे शा पैहले वक्फ संशोधन विधेयक 2024 कन्नै सरबंधत सांझी समिति दी रिपोर्ट गी लेइयै बरोधी धड़े दे सदस्ये दे हंगामे गी दिक्खदे होई लोकसभा दी कार्यवाही दिनें 2 बजे तगर लेई स्थगित करनी पेई गई ही। दुई बक्खी राज्य सभा च बी अज्ज अज्ज बडडलै सदन दी कार्यवाही जि'आं गै शुरू होई, तां भारती जनता पार्टी दे सांसद डॉ. मेधा विश्राम

कुलकर्णी होरें विपक्ष दे बरोध दे दरम्यान वक्फ संशोधन विधेयक 2024 दी सांझी समिति दी रिपोर्ट दी इक कॉपी सदन च पेश कीती। बरोधी धड़े दे हंगामे दे चलदे सभापति होरें'गी सदन दी कार्रवाई किश चिरै लेई स्थगित करनी पेई गई। जिसलै सदन दी कार्यवाही परतियै शुरू होई तां विपक्ष दे नेता मल्लिकार्जुन खरगे होरें आरोप लाया जे सांझी बैठकें च विपक्षी सदस्यें आसेआ असैहमति विचारें गी रिपोर्ट च शामिल नेई कीता गेआ हा। उनें आखेआ जे एह इक गैर-लोकतांत्रिक तरीका ऐ। कांग्रेस दे नासिर हुसैन होरें बी इससै चाल्ली दे आरोप लाए। इस पर प्रतिक्रिया दिंदे होई संसदी कार्य मंत्री किरन रिजिजू होरें साफ कीता जे रिपोर्ट, कार्यवाही ते असैहमति नोट दा कोई बी हिस्सा हटाया नेई गेआ ऐ। उनें विपक्ष पर इस मुद्दे गी लेइयै सदन गी गुमराह करने दा आरोप लाया। खजाना मंत्री निर्मला सीतारामन होरें बी इससै चाल्ली दे विचार व्यक्त कीते ते इस मुद्दे पर विपक्ष दी निंदेआ कीती। सदन दे नेता जे. पी. नड्डा होरें आखेआ जे परंपराएं गी कायम रखदे होई सांसदें गी संवैधानिक प्रावधानें दी पालमा करनी लोड़चदी ऐ।

<><><><><><>

LS Recess

लोकसभा च बजट इजलास दे पैहले चरण दी कार्यवाही अज्ज संपन्न होई गई ते हून सदन दी अगली बैठक 10 मार्च गी होग। लोकसभा अध्यक्ष ओम बिरला होरें सदन च कम्मकाज पर खुशी जतांदे होई आखेआ जे इस दरान कम्मकाज दी उत्पादकता तकरीबन 112 फीसद रेही ऐ। उनें दस्सेआ जे सदन च 177 सदस्यें राष्ट्रपति हुंदे अभिभाषण उपपर धन्नवाद प्रस्ताऽ पर जारी चर्चा च 17 घैंटें शा मते समें लेई हिस्सा लैता। उनें इब्बी दस्सेआ जे 170 सांसदें, केन्द्री बजट 2025—26 पर जारी चर्चा च हिस्सा लैता ऐ।

<><><><><><>

CS-Anant Khel Awards

सैंट्रल यूनिवर्सिटी ऑफ जम्मू दी एनुअल स्पोर्ट्स मीट—अनंत खेल 2025 च बेहतर प्रदर्शन करने आले छात्रेंग ी सम्मानित करने दे सिलसिले च अज्ज इक कार्यक्रम दा आयोजन कीता गेआ। इस मैडल सेरामनी दा आयोजन विश्वविद्यालय परिसर च कीता गेआ। मुख् सचिव अटल डुल्लू होर इस मौके मुख् परौहने हे ते डीसी सांबा राजेश शर्मा होरें चेचे परौहने दे रूपे च मजूद हे। इस मौके बोलदे होई यूनिवर्सिटी ऑफ जम्मू चे जम्मू च इक उम्कृष्ट संस्थान दे रूपै च उभरिएं ओने पर खुशी जाहर कीती। उनें इक खडारी दे जतनें दी महत्वता पर लोह पाई जेहड़ा गै इस देश गी महान बनांदा ऐ। वाईस चांसलर प्रो. राजीव जैन होरें शारीरिक रूपै कन्नै मजबूत, अच्छे संस्करण आले दे देश आस्तै इक धरोहर आला लेखा बनाने दे अपने नजरियै गी सांझा कीता।

<><><><><><>